



**HORATII TVRSELLINI || ROMANI || E SOCIETATE IESV ||  
LAVRETANAЕ HISTORIAE || LIBRI QVINQVE. ||**

**Torsellini, Orazio**

**Romae, 1597**

[Cap. 14. Flammæ cælestes in ipso etiam templo Lauretano visæ.]

---

[urn:nbn:de:hbz:466:1-64112](https://nbn-resolving.de/urn:nbn:de:hbz:466:1-64112)

revertisse incolumes: Ex quo numero claudos, surdos, herniosos, & energumenos fuisse. Sentires illas Lauretanorum luminum in alia B. Mariæ templâ excursiones hoc significare mortalibus, Lauretanam Aedem longe, & fastigio, & dignatione inter alias eminere: quod in illis B. Maria diuersari, hic quodammodo habitare videatur.

*Flammæ cœlestes in ipso etiam templo Lauretano visæ.*

*Cæp. X I I I .*

*Tradit Laur.  
Ann. Laur.  
Riera.*

**N**ec foris modo, sed etiam intra ipsum templum cœlestes flammæ quandoque visæ. Anno insequenti, qui suit M. D. L V. cum vñus ē Patribus Societatis Iesu in Lauretana Aede concionem de more haberet ad populum, luce palam, plurimis inspestantibus, ignes quidam haud obscuri coelo delapsi sacrosanctum sacellum insedere: mox inde diffusi circumire concionem: denique cunctis rei miraculo stupentibus, recipere se se in coelum. Ea res, vix credibile est, quantum intuentium animis mistæ gaudio religionis incusserit. Aderat forte in turba Raphael Riera Sacerdos ē Societate Iesu doctus iuxta, ac pius, qui hoc ipsum, & alia deinceps plurima ad Lauretanam historiam pertinentia memoriæ prodidit. Is tum rei miraculo, ac nouitate attonitus, repente humili procubuit venerabundus. Cumque Deo, ac Deiparæ grates ageret, à quibus tali dignatus esset spectaculo; tantâ cœlestis gaudij copiam in præsentia hausisse se tradit, ut complures deinceps durauerit dies, pectore Deicaritate, & B. Mariæ religione semel accenso. Neque vero id vni sibi contigisse ait, sed alijs compluribus, qui à concione idem sibi quoque accidisse, & sermonibus, & gestibus, & scilicet lacrymis testarētur. adeo insolita lætitia sacro horrore mixta ex vultu, oculis, gestibus corporis eminebat. Haud vanam

nam fuisse speciem iteratio miraculi fidem facit. Biennio post vnum item e Patribus sermonem de more ad Canonicos, & circumfusam multitudinem habebat: plerique Patrum confessiones excipiebant aduenarum: nonnulli in augustissima Virginis cella Deo supplicabant; cum repente e summo tholo coelestis flamma, cometæ instar, emicare visa dicitur; atque inde supra facillum lapso, parumper ibi stetisse: hinc ad concionem progressa, cunctis miraculo ac stupore torpentibus gratum præbuisse spectaculum: Demum flexo in diuersum cursu, ad destinatum confessi-  
nibus locum (Poenitentiarum appellant) supra sacerdo-  
tum, confitentiumque capita discurrisse: ad ultimum su-  
pra Christi crucifixi imaginem, quæ in sanctissimo facello  
religiosè colitur, paulisper morata sublimis abiisse, om-  
nium qui oculis coelestem illam flammatum hauserant, pe-  
ctoribus inflammatis.

*Duo Capucini fluctibus maris eximuntur.*

*Cap. X V.*

**N**ec alia per id tempus defuere miracula, ex quibus nos (quod nostrum institutum fert) maximè illu-  
stria referemus. Anno circiter M. D. L III. Francisca-  
ni Capucini duo, Lauretana Virgine salutata, ex Ancona  
soluerant in Dalmatiam traiecturi. In medio cursu atrox  
coorta tempestas præsens omnibus intentabat exitium.  
Igitur Nauarchus ad leuandam onere nauim versus iactu-  
ram vasorum, ac mercium facere. Franciscani in nauis  
angulo diuinam iram precibus placare coeperunt. At in-  
stitores, siue damni dolore amentes, seu diabolicis instin-  
cti furijs, in Franciscanos illos periculi, ut videbantur, secu-  
ros rabiem vertunt. Enimvero illorum vitio procellam  
exortam, eorundem exitio sedandam. Hæc vociferantes  
cooriuntur; in insontes impetum faciunt; comprehensos

Trad. Lau.  
Ann. Lau.  
Rier.

S in